

鑿洞，金碧輝煌，爲古時居民禮拜之所，尤以吐峪溝、勝金口爲最著。外國文化特務聞風而來，大量盜掘，出現古物如經卷、木牘、塑像之類，捆載而去，不可勝數。我等來此已晚，且急須赴省城，未及詳細勘察。

我等在吐魯番休息兩日後，即赴迪化，時三月八日也。在迪化停留四十餘日，籌商分途考察事。我任新疆南路考古工作，籌備一切。四月十九日，同龔元忠、亞生、藍福狗等一行共四人，出發南行。經柴俄堡、達坂城、白楊河、根特克，五日而至吐魯番。在柴俄堡海子邊，有土墩及古墳遺址。曾在古墳中掘出陶器數件（見高昌陶集六一頁插圖二九），但因急赴吐魯番，未及詳細工作。

吐魯番有兩大古城：一爲在現吐魯番城西二十里之雅爾湖舊城，一爲在吐魯番城東南五十里之哈拉和卓舊城。我等抵此後，一方面籌備赴庫車途中之所需，一方面訪探古蹟。四月二十六日清晨，我同亞生遊覽雅爾湖舊城。城在兩河之中洲，形同扁葉，有二甚深之河牀繞城而過，古稱爲交河，故此城古亦以交河爲名，現稱爲雅爾和圖。河中已乾涸，惟泉水尚旺，下流灌野木什地。居民亦多。城中頽垣敗壁，滿布平野，洵爲可工作之地。但因時間關係，擬留待下次來工作。在吐魯番稍休息後，於五月三日復同龔元忠、亞生等向哈拉和卓出發，作高昌城之探查。（參考附圖一、吐魯番考察路線圖）

(一) 高昌城之沿革 在哈拉和卓之古城遺址，本地居民往往有不同的名稱，或稱爲伊底庫特賽里，或稱爲達克阿奴斯城。後者出於吐峪溝中麻扎之傳說。據云：『在回教來新前，有羅馬國六人來此訪道，其中一人爲達克阿奴斯初建此城，死即葬於吐峪溝中，立爲麻扎，連同一狗，稱爲七位眠者。』現在仍爲本地人朝拜之所。但達克阿奴斯來此建城之真確年代，尚無史料可徵。我國古代記載，則稱爲高昌。高昌之名始見於前、後漢書西域傳。前漢書稱車師後王姑句『卽馳突高昌壁』。後漢書云：『自伊吾北通車師前部高昌壁千二百里，自高昌壁北通後部金滿城五百里』。（列傳七十八）北史西域傳云：『高昌者，車師前王庭之故地。……或云昔漢武帝遣兵西討，師旅頓弊，其中尤困者因住焉。地勢高敞，人庶昌盛，因名高昌。亦云其地有漢時高昌壘，故以爲國號』。是此城稱高昌遠在二千年前。由晉至魏常設太守以統之。雖累經變革，其名未改。至麴氏王高昌時，且以爲國號，傳世百四十年。（公元五〇〇—六四〇）唐滅高昌，以其地爲西州，仍置高昌縣；